

عدنان المصرى

بريح المسك

أشعار

طبعة أولى سبتمبر 2019

بطاقة الكتاب

عنوان المؤلف	بريح المسك
المؤلف	عدنان المصري
التصنيف	أشعار
رقم الإيداع القانوني	17277-2019
الرقم الدولي	978-977-6726-81-9
عدد الصفحات	98 صفحة
رقم الإصدار الداخلي	497 الطبعة الأولى سبتمبر 2019

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الإقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572
 عضو عامل باتحاد الناشرين المصريين رقم 941 لسنة 2018
 هاتف: 01011256943 - 01116202218 - 01202541192 طيناكس: 020554372901
 النيل والفرات nagyegy200064@gmail.com
 النيل والفرات alnilwaalfourat@gmail.com
 (المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنترال 13 - عقار 304)

مقدمة

تحية للمبدع فاروق شوشه

شوشه

يا أهل الفن فين رايعين
وليه الريشة منقوشة
بنتنطط وموش واضحين
حروف مجنونة مرووشة
ولو نكتب نقول ناصحين
برغم حروفنا ف اللفة
مثل أعلى وهيكون مين
غير المرحوم فاروق شوشه

حرص

حرص م الندم راح بى
بلاش تمشى على أشواك
أخويا لأ كمان صاحبى
وماشى عمر أنا وياك
وراحل رغم شوق بيننا
وايه ذنبى إنى أستناك
وتانى تقول أنا مباعد
تقول ماشى وفين ممشاك
وفاكرنى راح أستنى
رجوعك مرة تانيه إياك
ولاسنين فانت وبأتمنى
أشوف طيفك ورا الشباك
ملاك نازل من الجنة
وتجبر شكوتى ف هواك

بريح المسك

بريح المسك والعنبر
طريق أشواقى متصبر
وأنا العاشق أنا الولهان
أنا الهيمان أنا عنتر
وتاهت عبلة وسط الريح
علينا الحب بيدور
وعايش عمر قلبى جريح
وده المكتوب ومتقدر
أدوق الهم ف بعادى
وعايش عمرى متكدر

ورايح كنت أو غادى
أبات الليل وشوق يسهر
واصحى م السبات تفاريح
على صوتك صباح سكر
أتارى الصوت ده صوت الريح
أدوق المر وأتقنطر
ورغم إنى اللى عمرى
فصيح ألاقى الكلمة تتعثر
أنانى عمرى فى حبك
بحبك كله أستأثر
ولما تضحك إعيونك
أورى الناس أنا الأشهر
ولما تغمز إجفونك

تخلّى الكون بكّام منظر
يكون الله عونى عونك
علينا الناس بتتجبر

كنوز كنوز

كنوز كنوز كنوز
لو ليها عايز تفوز
لازم إعجاب تنول
ورضا ربك تحوز
دوز عنها ف شبايك
قبل ماتصبح عجوز
إوعاك غرور بقوة
أو مركز أو نفوذ
تحسب نفسك كلالى
أو تشبه توم كروز
ماتبص يوم لغيرك
أصل الدنيا حظوظ
لو كان عقلك ملخبط
ضارب منك فيوز
إوعى تطنش صلاتك

ربك دائما تعوز
زكاة تخلق محبة
قريب مسكين تجوز
إياك وتبص برة
أو تسكت عالشدوذ
الجنة فيها حور
فيها الشيطان فاروز
فيها غسل مصفى
فيها تفاح وموز
مالم تراه عينك
زاحم طير وجوز
ليه باصص للى فوقك
عيرك يشرب بكوز
لو نفسك تبقى راضية
راح تلقى العيشة لوز
راح يبقى لونها بمبى
راح يبقى لونها روز
وهتلقى البركة حاضرة

والفرد هيبقى جوز
كنوز كنوز كنوز

شراع مركبى

شاوړ شراع مركبى للبحر مايعدى
رافع على منكبى بستان أمل وردى
يا دنيا ماتقلبى عالطفل أو عالصبى
عاشق جمال النبى مين عشقه كان قدى

صنع ربك

إختبار قوة إيمانك
وألا قسوة سنديانك
مطرقة بتهد واقع
هوه صبرك بس زانك
مطرقة من صنع ربك
لما يضرب يبقى حبك
هوه بيحدد لواقع
وانت تختار تمشى دربك
ليك لوحك لإختيار
إما جنة إما نار
خللى لونك يبقى فاقع
عن آخوك قوم شيل مرار

بلاش المر

ولو تملا كاسات فناجيل
بلاش المر وتعبي
ولو جيلك ده مات فانا جيل
بيروى الدنيا من حبي
ولو يملا سوادك ليل
راح أقلب للسواد بمبي
ولو تبعد لمليون ميل
بأحسن إن السواد بان بى
مشاعر تجمع الهلاهيل
فدارى الهم ليه خبي
عليه إردم معانا وهيل
ونار لو شعلت خبي
ومالى م الدموع مناديل
وبأدعيلك ومن قلبى
تذيلنى وأنا ما أنا ديل
وأحطك راس على دربى

واقفين رجال

الجمال لغروبه مال
للنهار طلع الهلال
وأما ليل ينشر لعتمة
تلقى للبدر إكمال
والعيال جابت آخرنا
العيال باتت عيال
السؤال نفس السؤال
والجواب زود مشال
ماهو برضه م الحلال
نعلن الود ووصال
مين وكان ضاحك علينا
مين لدم الولد شال
مين وقطع من لحومنا
مين هيوصل شء محال
كننا واحد وإتلهينا

كننا نتحمل جبال
كننا صاحبين يوم ماتمنا
عالحدود واقفين رجال
القناعة ميزة فينا
ف العمل مالناس مثال
الكسل حال علينا
نمنا نحلم بالآمال
الفلوس تجرى ف إيدينا
وإحنا نصرف ليه إختزال
مصرى قوم طهر لسينا
ليه وراضيين بالهزال
ماإنكسرنا ماإنحنينا
قوم ونرجع للوصل
قوللى مين ضاحك علينا
نبنى لقصور ف الرمال

تحياتي تحياتي

وشوفتك يامه بتبصى
على صورتي ساعة تكريم
برغم إنى معاك دايم
وماسبتك ده رب كريم
سايب أرواحنا حواليكوا
وعد ليكوا ممان تنعيم
أنا يامه عايش فرحان
وبأتقلب هنا ف جنان
وبأستنى ف يوم تيجوا
ما أنا مشفع وليكوا مكان
وعاتب يامه لبكاى
ده ربي بيا نجاى
معاكى م الحباب سبعين
وجوزنى بحور عين
رجاء يامه سيبي الدنيا

لأصحابها اللى فيها
تايه وعيشى فيها كالعابرة
وماتنزل عينك عبرة
وماتعيشيها فى الأحزان
وخليها ع طول أ لوان
تحياتى ياوش الخير
رجا تحسين لخط السير
عشان ترقى هنا ف جنان
وتاخذى هدية الرحمن
وفى آخر كلامى معاك
أنا قاعد هنا أستناك
وبأدعيلك بطولة بال
تخطى م الهموم لجبال
تحياتى هتوصلك
ونفسى بس أعبرلك
تحياتى تحياتى

زى النهاردة

زى النهاردة من سنين
إنتشى الليل الحزين
وإبتدى ينسج ف قصة
يحكى حلم الغلبانين
اللى كان فى حلقه غصة
واللى قاسى زمان حنين
دنيا راحة بينا فين
الرسول كان لينا وصى
والرسول صادق أمين
نعذل المايل ف رصة
نمسك الحبل المتين
السادات مات عالمنصة
رغمه كان راجل مكين
ياللى كاره ليه بلادى
نفسنا الأفراح تزين

ليه تهيم ف. كل وادى
ليه بتضرب للكمين
عدى بالارهاب ده غادى
دين ا بوك جبتة منين

صبحث عشاش

مسافر وعارف
هاغيب لو سنين
وراحل برغم
الآلام والأنين
وخايف مشاعري
تغير حياتي
وراضى وبأدعى
لربي المعين
أسيب قلبي شاري
ف عز النهار
وأدور وأداري
وحاسس بنار
حبيبي اللي باعد
مدمر لذاتي
ونفسي إنه يرجع

يزيح إنكسار
شريت قلب تانى
وقلت الحياة
ماعمرى أنانى
وآلا أحب جاه
وراضى بحياتى
أجهز مماتى
وماشى برغم
الطريق منتهاه
رضيت القساوة
ماقلتش بلاش
نسيت الهناوة
وكلى إندهاش
وماسك آلامى
ورامى لآهاتى
وحاسس قصورى
دى صبحت عشاش
كاوينى بحبك

ونار الآلام
وأقول نفسى ترضى
ده بعدك حرام
تبحتر حياتى
وأجمع شتاتى
برغم المآسى
برغم الخصام
وعايش كانى
ماليش أى روح
وصابر ومنى
معاك الوضوح
وتقطع وتينى
وأوصل صلاتى
وحافظ لحبك
وحبى السفوح
ياقلبى اللى سايب
طريق الحبيب
مشرق مغرب

وراجع غريب
أشوف إنجازاتى
أشوف معطياتى
وأفرح برغم
العويل والنحيب
هاأعود ولكن
لسفرى الطويل
وهأمسح دموعى
وأغير سبيل
وراحل برغم الرجوع
من سماتى
وكل الخطاوى
ف حبك دليل

مخلص ومجاهد

مخلص ومجاهد
إثنين إخوان
رايين المظاهرات
واحد مع واحد ضد
وأسيب مخلص
يحيكوا الحكاية
حكاية موصلة للنهاية
ياريت نفهم ونستوعب
نخاف على بعض
نخاف عالعرض
نخاف عالارض
رايح مصر أنا وأخويا
مصروف من أبونا وخدينه
كل واحد راكب راسه
شاييل فاسه سايق

عنده عارف دينه
بيظن إنه معاه الحق
ومنه الحق سارقينه
الأم صابرة مطحونة
ماهى قادرة تناصر
حد عالتانى
عارفة مين فينا أنانى
لكن هى هى الأم خايفة
أفراح بلون الدم
ومن تانى تشيل الهم
مايهما مين الفالب
من المغلوب
م الخوف قلبها مرعوب
بتتمناها سلمية
وأرجع تانى أنا وأخويا
متعامل بحنية
وتعود أ حلامنا وردية
أبونا دموعة جوة عينيه

محبوسة بيقول
دى سياسة منجوسة
ماقادر يمنع المصروف
وأفكاره مالياها الخوف
خايف منه نفرغ عين
أو واحد يسب له دين
أصلنا حقيقى فراعين
ياولادى بلاش
منها دى السفارة
كمان ملعونة
دى الثورة
سوا نقعد ونستنى
كمان بكرة
ونتسامح ونتصالح
عمر الشر ما هو فالح
كان نفسى يابه أسمعك
وأنصاعك لكن
تلشك مالىنى

يسيب دينه أسيب ديني
وايه يضمنلى سلمية.
وايه يضمنلى شرعية
وايه يضمنلى ما أتأخذ
أخاف نظام يكون جاحد
ماهييبينى معاك قاعد
أخاف أرجع هنا وحدى
أفوته هناك يتوه بعدى
أو ألقى صورته عالشاشة
أو معموله كماشة
تروح الروح خلاص يابه
ماهيش فرقة خلاص
يايه ماعدش وضوح
وصلنا وأخويا خط النار
عينى عنه بتدور كانت عينه
تطق شرار كانت الهمة
مشحوزة كل جماعة
م الثانية منبوذة

أخويا حقيقى أنا أحبه
ياريت يفهم ويتصور
عمرى كنت أ نام جنبه
مايفصلنا سوى
العتمة حقيقى
حياة كانت قاتمة
كانت أزمات تقربنا
تاخذنا لظمة ورا لظمة
لأحضان بعض
وهربنا وماتعبنا
كننا سوا نتاج مصرى
نساجنا أصله
كان حصرى
وقمشة تشوفها
دى غريبة
مزاج من كد ويا
الجد مع طيبة
زعتت بعزم

مافيا يامجاهد
ليه عنى
وهتباعد يامجاهد
أهه العالم عليك شاهد
مين هنا راح يداوينى
مين دمي من دمه
ف شرايينى
مين بيا وراح يهتم
مين عنى يشيل الهم
طالبين دم
يعلا الصوت
إسعاف جى
ف لحظة سكوت
شاييف كام جثة
كانوا عالارض
كانوا جايين
هبحموا الحى
أخويا خلاص

ماعاد ظاهر خلاص
يا به من ظالم
ومين طاهر
راجع بلدنا تانى
الهم كمان
ملانى كان نفسى ألقاه
سابقنى ف القطر
يكون معايا نرجع
نبنى الصروح
أمى أكيد هتسألنى
لازم أخبى لازم أدارى
أبويا ف عينه نظرة شك
ولسان حاله
بيقوللى كلامك
م الحقيقة عارى خوفى
تكون سبب عارى
طب من مين هآخذ تارى
مر يومين

وأنا قاعد ومستنى
خايف من خوفى
قاتلنى خايف ظنى
فين اراضيك يامجاهد
وأنا آجى أراضيك يامجاهد
كان بيقوللى
ليه ساكت
وفين ضمايركوا
ليه ماتت
باقى دقايق
على المدفع دقايق
والآدان يرفع سامع
هيصة ف الشارع وناس
على أبويا بتنادى
وناس بيقولوا فين مخلص
وصوت أمى ليه ياولادى
مجاهد حى مجاهد جى
مجاهد والله ماله زى

وقفت عربية عند البيت
قوام بصيت
شوفت سواد صرخت بكيت
وايد أبويا على كتفى
وبيقوللى خلاص حنيت
علم مصر كانوا
لفينه عالتابوت
وصوت أمى ف ودانى
مليون صوت
كضرب السوط
قتلت أخوك منين مخلص
يا إسم ماكان على مسمى
ياقلب وعمره كان أعمى
أنا ماقتلته يا أمى
أنا قلبى عليه يدمى
إسكت خلاص ماتتكلم
أنا عارفة من الأول
أنا الغطانة بأندم

خفت نضيع أنا وأبوكوا
ف الرجلين كانت منى ودامعة
العين كنتوا إثنين واحد
داين والتانى قليل الدين
ماعدش عندى غير واحد
بس القلب ليه جاحد
قلب إسود بلون الليل
هيعيش عمره قلب ذليل
دايما هيفكرك بأخوك
وإن نسى مرة هنفكرك
أنا وأبوك
هتعيش بس وسط الشوك
خيال مآة عليه مضحوك
خيال مآة
عليه مضحوك
عليه مضحوك

لحق عود

الحياة عند الملائكة
فيها كل شئ خلود
والسعادة ف العبادة
إوعى منك يوم صدود
والحدود لما نراعيها
نصمن الحسنات ورود
خللى كرمك للى خلقك
حن وإعطف بس جود
لقمة العيش خد بعرقك
وإوعى تحنث ف الودود
معوذات كرسى
وفاتحة تتقى عين الحسود
ليه تبات والذمة فاتحة
تحسب الملايين تزود
ف الصلاة خمسة الفريض
والنوافل بيها سود

للاله خالصة العقايد
بيضة أرواح ماهى سود
للشيطان إقطع طريقه
حط لكثير م السدود
إتقى ضمة لقبرك
إتقى التعبان ودود
واوعى تنسى
إن ربك الكريم هوه الودود
ياللى عايش مش عشانك
تحسب الأيام تعود
بكرة ربي يعلى شانك
والحسنات هتكون وقود
بيها ترقى صعود جناتك
منتهى مالهوش حدود
بس فكر ليه جناتك
ليه توافق للحقود
راح زمانى وراح زمانك
إبنى على لحق عود

خط الخطوط

مركب المحبوب تجر
حبنا من غير شطوط
مين وفينا كان هي قدر
وإحنا ماشيين عالجنوط
الحياة موش بس منظر
الحياة خد هات وشوط
اللى حاصل كان مقدر
بيننا مقطوعة الخيوط
والنصيب هو اللى سطر
والقدر خط الخطوط
عيش ف أحلامك معطر
فكر إن ف بكرة موت
الأمل لو جى مسكر
يبقى خاف وإقبل شروط
لو كلام هيكون معكر

يبقى أحسنك سكوت
وإوعى قول الحق نكر
بكرة تتحط ف تابوت

إرخی الشراع

إرخی شراع الصبر
بين الحياة والقبر
إرخی الشراع لسنين
ليه سبت قلبي حزين
يابويا روحك لفين
سامع كلامك تبر
دمعى على الخدين
دمى ليراعى حبر
سامع كلامك زين
روحي فداك والعين
نفسى أبوس يدين
ما بيا شئ من كبر
ناشر على الصفحات
ناقش كتير دمعات
فرقة تزيد لآهات

ويروح معاها العمر
بين الحياة والقبر
إرخی شراع الصبر

بعرض وطول

على ما شربت
الشأى مستعجل
بعد ما كنت لطبق الفول
لسه هأقوم
م القعدة أستعدل
إلا وطب عليا عزول
قاللى سؤال
يا كبير لو تسمح
قلت له ياللا إتفضل قول
قاللى جعان
من حقى إنى أسرق
والأ ملان لفاضينا نزول
هوه الكون
بقى إسود ف أزرق
والأ معاكوا نلاقى حلول

قلت له قرب
عينك تفلق
طبقى وفيه
مايعشى عجول
هى الفترة حقيقى
دى صعبة
ليها نعدى
بعرض وطول
وفر حجة
وعمرة لكعبة
وإعطف عالمساكين هتنول
ربك رب
قلوب مش لعبة
نعمة ومنك
مش هتنزل

خليك حويط

لفلف الحب

ف قصاصة

وإربط العنوان بخيط

رحمة من قلبك رصاصة

بس فوق خليك حويط

خللى حبك له مقاصة

وإحسب الريح البسيط

إضرب الناتج خلاصة

وزع الأرباح وزيط

خللى طرحك

لو مصاصة

ليه لسان منك سليط

الحياة خد هات وباصة

تبعد الحلم اللقيط

تلقى حظك بالورائة

رزق جايلك بالعبيط
ليه بتمكر
ليه الخباثة
ليه تسيب
أعصاب تشيط
لو تسبيك م النجاسة
تلقى خيرك
جاي نشيط

عاشق

عاشق جمال النبی
صلوا وزیدوا صلات
حملت أنا مرکبی
رکعات من الصلوات
شدیت شراع موکبی
عازم جنبه إنی أبات
شایل علی منکبی
لکثیر من الدعوات
رضا الکریم مطلبی
بأحلم أنا بحظوات
یادنیا لیه تقلبی
مسلم مسیحی إخوات
وصی الرسول للصبی
علی أهل للذمات
حرمة ماتت عصی

رى لبنين وبنات
طفلك مايطلع غبى
وألاف الحرام هيئات
تقوى الإله من أبى
حالف يلم شتات
دعوايا ماتنصبى
لافف بها الأشواط
إرهاب كمان ترهيبى
نخلص من الحيات

راخى الحبل

وتتهدم حيطان حبى
وأنا أنكس أنا أدارى
وتتخطم ببيان قلبى
و أدق أبواب ومادارى
تتوه الكلمة فى دربى
تقول بايع أقول شارى
وعمرى ماكنت يوم غربى
أنا شرقى عامود صارى
ورافع رايتى فوق دربى
وخوفى م العلم عارى
تمنى النصر من ربى
وأخبى ف الألم عارى
وأكسر م الأمل فتافيت
عشان أحلم بيوم تارى
وافصل م الآلام حواديت

أقول أحبس لدم جاری
وأقصص م القماش شراميط
أخبى جروحي من جاری
وهو شادد وماشدیت
وراخی الحبل ده خیاری
یاریت یرجع لخاطره شریت
ریت یسمع لأشعارى
عشان یفهم لروحى فنیت
حبى لحبه ده شعارى

لفاضى يكب

رمىت الزهر متعافى
وأنا حافى أقول يقلب
ألقى الزهر قاسم زهر
ده حتى الزهر صار متعب
وأقول الحظ لو يوم مال
يغير للحمال ويطب
يقول الحظ إنسى ياخال
مافى مليون لفاضى يكب
وتعبان الحياة شيال
وغرقان ف العرق بيصب
ومرتاح الحياة متشال
وغلباننا مايشبع غلب
أقول للدنيا أنا خيال
ومنك جاى وطالب قرب
ألقى الدنيا جاية شمال

وعیزانا نعیش کالغرب
تقول سیبک من اسمہ حلال
تعا قرب لبعض نحب

بحر الآهات

لحظة سكوت القلب مات
إفتح لبوابة الأمل
وإمسح دموعك من سكات
وإرسم طريق كان محتمل
ياسكة ف العتمة تبات
مركبتى فيها كات جمل
مررتى ليه للذكريات
وعملتى فيها 100 عمل
وأنا اللى عاشق ليكى ذات
وأنا اللى راضى مفيش ملل
عديت على بحر الآهات
رغم إن جرحى ما إندمل
عديت ورغم العمر فات
وما عمرى حسيت بالفشل
أنسج خيوط من معطيات
وألقي الحلول قاتلة الكسل

غير

غير كل معانى الحيرة
غير حتى الخوف لتموت
غير قسوة وحقد وغيرة
وإوعى تحط القلب تابوت
قرب منى نفضها سيرة
وإوعى ف يوم لو يعلا الصوت
دارى لشمعك إحفظ جيرة
خللى ردودك صمت سكوت
ليه تقطعنى نسيرة نسيرة
ليه ماتباصى وفيما تشوط
سبت النفس معاك ليه أسيرة
رابط قلبى معاك بخيوط
غير كل معانى الحيرة
غير حتى الخوف لتموت

إبعدي

إبعدي لو تقدرى
بس إحسببها وقدرى
بأتمنى بس تفكرى
إنك أكيد راح تخسرى
بتقولى إنك راجعة تانى
عن حبي جاية تدورى
حبي مات وماساب معانى
ساب بس قوة تصورى
ساب كم حرمان وإختفى
ساب بس ذكرى إتذكرى
لو كنتى قدمتى الضمان
كنتى لبعادى تقدرى
شوقى كان زايد زمان
شوقك إنتى تقطرى
عمرى حاطك فوق جبينى

وماكنتى مرة تعبرى
على قلبى ياما دوستى ياما
على قلبى فوتى إعبرى
كل غلطة ليكى أدارى
على غلطة ليا تنخورى
إبعدى إبعدى إبعدى
لو تقدرى

وليه نبعد

ما بين شوقي وشوقك
إيه يادوب سطرين
وأنا السارح
أنا البارح
وطير جارح
وأنا السهران من إمبارح
وأنا العالق ما بين وهمين
أنا قيس ق إنتظار ليلي
وليه منى القلوب شايلة
وليه بنى الحمام آيلة
بلاش خائلة راحين على فين
وتزعل منى لو أصرح
وتدبح فيا ليه بسكين
أنا المسكين رايد تسكين
ياريت تبقى القلوب ساكتين

وتظلمنى بكلام جارح
وليه تصارح تقول تحصين
خايف من إيه
خايف من مين
وليه نبعد ولو ساعتين
حقيقى الحب لو فالج
ماينعق فيه غراب البين

أنا وإنت

أنا وإنت بنتقابل
حقيقى جران على محطة
فى جيبى كان معايا لحلوح
و ف إيدك شائل شنطة
أجيب التذكرة بجنيه
وإنت تعديها أونطة
يعدى مترو ورا مترو
وأنا تايه مفيش خارطة
مش عارف رايح على فين
وجى منين أنا ف ورطة
واقف محتار بتذكرتى
واقف سارح بذاكرتى
بجنيه واحد أنا إتجوزت
منه إيجار كمان جهزت
دفعته ليه أنا إتترفزت

ده جنيها معاہ عجزت
أركب بيه أنا محطة
وبقرش سافرت للسنتة
رجعت وقولت أوفرها
بأعدى قالولى صدرها
راحت جوة الجهاز ما بانتش
واقف مستنى ليه خرجتش
أشوفها طب راحت على فين
دى قاسمة القلب منى إثنين
جانى العسكرى يجرى
واقف كده ليه ومن بدرى
راحت من. تذكرتى
راحت زودت حيرتى
يا إما عنها أتنازل
يا إما مقامى ف النازل
أنا وإنت

موش هاسامح

لو فرشت الارض ورد
موش هاصالح
لو ملئت الكون بود
قلبي شاف منك كتير
قلبي منك مستجير
ليه تخلى الكون ده مالح
ابنى ليك وكمان تهد
قلبي حسن خط سير
بعد ماكانلك اسير
لو قالولى ان انت صالح
نادى لضميرك يرد

تسونامى

وانت خارج من منامى
اقفل الباب من سكات
الامان زایل مانامى
كيفه يصحى م الموات
موجة م اللى اسمه تسونامى
والافات العمر فات
ليك غرامى مش ملامى
عمر ما الاحلام تبات
هى بتفعل غرامى
تصحى وتصحى السبات
خوفى لو يسرق حرامى
والقلوب تصبح فتات
واللى بيقول انه حلمى
ييجى ويقطع صلات
قلبى باعت ليك سلامى

والحياة بين خد وهات
ياللا قوم فعل كلامي
ارمى من ايدك صاجات
الله يلعن كل رامي
ضد صوت الحق زاط

دنیا

دنیا مالیہا الخوف
والکلمة ممنوعها
قالوا الدوا موصوف
انا قلت اسمعها
ملیت لسانی حروف
قفلت مسامعها
عاصبة العینین ماتشوف
عايزة اصم معها
ضاربة بسیاط وكفوف
طالبة اصوم معها
اجمع مئات والوف
وغلal اصومعها
وسالت اهل حروف
قالولى قوم بیعها
رابطة الخطا مكتوف

خائف توابعها
ناعت بحملى كتوف
وانا عمرى تابعها
ماشى الطريق مكفوف
قالوا مره طعها
ومعاشرة بالمعروف
تنهل مراتعها
تقلب حياتنا موف
تاخذ كمان ريعها

المساكن

كنت رايح بيت ابويا
لاجل ما اودع حيطانه
لاحل اعيش الذكريات
لاجل ما احصن بيبانه
الجرس نادى على
قلت اشيله من مكانه
اخذه عندى جوه بيتى
يرجع الحق وميزانه
الحيطان قالت تعالى
جوه حضنى واستخبنى
البيبان زعلت ونادت
منى قرب جنبى حبه
البلطم الشوق بيصرخ
كل خطوة وكل دبه
الدولاب نادى على ليه

وفين راحوا الاحبه
عالسفرة وقمت قاعد
اتخيل اكلى معاهم
والا لمتناف جمعة
وقت ما حضر عشايم
وقت ما تسحب لامى
والطبيخ ساعة غدايم
اكشف الحلة واعلق
كبدة قنصة من ورايم
امى عارفة انى الحرامى
واما يسالوها فين
تقرلهم ماكاش فيها
بصالى بشوق وبحنين
حطاهم ف الحلة بيدى
بس واحدة ليه تنين
ابقى سيب واحدة حبيبى
نخزى بيها نن عين
السريير نايم قبالى

والمخدات والمراتب
نازلة دمة منى سالت
بيها كان الخد كاتب
قصتي من غير نهاية
قصتي لاغلى الحبابي
كنت باصرخ م الالام
ذكريات تدمى القلوب
والدموع جفت تمام
والعيون قلبت لطوب
نفسى يابا تانى اشوفك
نفسى يامه فيكى ادوب
ف الصالون شوفت الضيوف
وسطهم ابويا قاعد
رحت داخل بالصينية
للضيوف قدم وساعد
ياللا سلم بوس لعمك
واللى جنبه اوعاك تباعد
دول قرايبك ابقى زورهم

للحبايب مد ساعد
للبرائدة عيني راحت
سهرة كانت تحلا فيها
نازلة دمعتهمنى تجرى ليه
مخبي ليه مداريها
الدموع م العين دى
رحمة للقلوب تغسل مايبها
دنيا ليها معادش معنى
دنيا بايع موش شاريها
لسه نازل عالسلام
دمعى ماسح حزنى كاتم
قابلنى سلم على
قاللى اهلا قلت حازم
قال سلامتك انت مالك
عالبعاد انا قلبى نادم
قلت ليه تعتب على
حزن منى لقلب قاسم
لو تعرف ايه اللى بيا كنت

هتحاول تجينى
يوم ماراحت منى امى
قلت روحى نن عينى
بعدها حصلها ابويا
راح قاطع منى لوتينى
واللى صبرنى حقيقى
انى متمسك بدينى
ربى يجمعنى معاهم
ربى ويصبر حنينى

عقلی اتلخبط

عقلی اتلخبط م الالوان

قمت شرعت

اقول ف حاجات

كنت باحاول

امنع نفسی

انى ابص اخاف نظرات

انى اشيل الذنب

واعيش نفسی ف توبة

وازيد دعوات

اصل انا شاعر

قلبه ضعيف

مش مستحمل كم اهات

عاشق كل عيون

ما اقدرش انی اشوفها

والنب ذات

وامنع نفسى
تبدى اعجابها
والا تقرب لو خطوات
لاجل ما املى عيونى
وادوب لاجل ما اكون
واملك حظوات
بس ذنوبى
كمان راح تكثر
عين لعديلة
وعين لزيينات
عين للراحة
وعين للجاية
وعين بتزود ف معاكسات
عين تخرجنى
وعين تجرحنى
عين بتزود كم اهات
قلت بلاش
م النظرة دى احسن

لازم احاول
واملك ذات
خاطرة ف بالى
فكرة حقيقى
لاجل ما اخلص
م الحريمات
ليه ما اروح
مركز لعيون
منه اشترى
دسته عدسات

كل مرة

كل مرة فيها ادوسك
لاجل ما اطلع فلوسك
رغم انك انتى امى
فرض ليكى انى ابوسك
تلعننى منى لظنونى
العن الايام ف سوسك
تستخبى منى بره
اختفى ما بين تروسك
واما احس ان انتى ضلمة
نفسى لو اولع فانوسك
مرة كابسة منى حلمى
مرة احب احلم كابوسك
حبة كارهة ليه ناموسى
حبة كارهلك ناموسك
حبة ليه استعطى منك

حبة احلبك جاموسك
منى ليه رافضة لطقوسى
ليا ليه فارضة لطقوسك
ليه تشوهى توبى دايم
ليه ابطع توب عروسك
ليه ماهماكى المعانى
ليه اعانى بين نصوصك
واما اخلع ضررس منك
تطحننى بين ضرروسك
مصر عودى ميه ميه
عرفينا ايه دروسك

الحاسة السادسة

ملعونة الحاسة السادسة

اللى تخلىنى افضفض

لا واحكيك

عالى هيجصل

منك ليا

وابقى مروض

كلمتك بس

بكل صراحة

لربى فيكى

الامر بافوض

تانى هاخبي

مشاعرى

وعمرى معاكى

ما هالعب عالمكشوف

اصل انا حاسس

انك منى غصبن

عنى ليه احساسك
منى عزوف
واما طلبت اقبالك
مرة قلتي ده بعدك
منك قسوة؟
وش كسوف؟
هارجع تانى
انشرك شعري
ده انا من صغري
بابدر حبي
كلام وحروف
ليه مكسورة
لو جاني منك
مليون صورة
مش هاتفرج
يوم والا اشوف
اصل الصورة
دى عمر ماتنفع

يوم او تشفع
وماتغنى عن
لمس كفوف
باسال نفسى
تمللى واقولك
خايف املك ليه
متعلق بيكى شغوف
رغم ان احنا
يادوب سطرين
لا حرفين يوم ماخرجنا
عن مالوف
ليه تصميمك
تفضلى نكرة
او للذكرى
ليه سيبانى
اموت م الخوف
لو يوم جت
افتح ما القاكى

اخاف شكواكى
تعملى حظر
اكون موقوف
وارجع تانى
ادور ياملاكى
اخاف القاكى
طلب لصداقة
وسط الوف
لسه انا واقف
احدث حالة شايفك
هاله تبعدى
ليه اعملى معروف
بابحث عنك صوت
واماكن لونك
داكن قلبى
من الالوان مرجوف
رد طبيبى قاللى
صورتها هتحمصها

وهتطحنها
دواك موصوف
والناتج تقسمه نصين
بسوية مية تعمل
منه شراب وسفوف
بشوية مية تعمل
منه شراب وسفوف

لو تقدري

ابعدى لو تقدري
بس احسبها وقدرى
اتمنى بس تفكرى
انك اكيد
راح تخسرى
ولو ف يوم
راجعة تانى
عن حبي
جاية تدورى
حبي مات
وماسباب معانى
ساب بس
قوة تصورى
ساب كم
حرمان واختفى
ساب بس

ذكرى اتذكرى
عمرى حاطك
فوق جبينى
وماكنتى مرة تعبرى
على قلبى ياما
دوستى ياما
على قلبى
فوتى واعبرى
عمرى دايب
ف السعادة
وانتى اللى جيتى
تمررى
ابعدى لو تقدرى

سواد الليل

سواد الليل شجر طارح
شروق الشمس
بريح الهيل يبات بكره
ليوم والامس
واحاح ونخيل فرات
مع نيل وليه المجد يتقلص
وزى السيل ما بيذاعب
عيدان الغرس
سنا بك خير بتتوارى
ف غبار المس
سنا بل خيل بتتدارى
ف حيطان تتحس
وانا المصروع
وبتالم انا انحس
انا الموضوع

وباتعلم انا ما انبس
صبور وحمول
وما اتكلم عفيف النفس
وليه منى الزمان
ضلم ولية اتقص
وانا شارى لود الناس
وما اتونس
وانا شارب لمر الكاس
وانا بارخص
واحط الخير
اقول زايد اخاف ينقص
وابات شاكر انا حمدان
افك صوابعى واتمصمص
قاموس من نور يزيح لظلام
اعيش كالفهد اتقتص
ورغم ان الضمير سلمان
عدايا تمللى تتربص
تقطع للوصال ازمان

وريشنا تمللى يتقصص
عمر القلب ده واحد
وليه دلوقتى بتقصص
ياكل الغرب يا انسان
وبس العربى ليه يفطس

فاتح دولابى

فاتح دولابى واقلبه
دور حروفى المؤمنة
مالقيتش غير كم الالام
وحروف نيام متعفة
وكلام كتير موش فالمحل
داير يسوق ف المسكنة
وحروف كتير سايبة المكان
فوق الرفوف متسكنة
وحروف بترفع لاجل تفضل
ف الامان متامنة
وحروف بتنصب عالخلايق
بكلام يضايق محزنة
وحروف بتكسر للسليم صنف
ولئيم منها الانا
وحروف سكون متعودة

عاصمت تقعد ساكنة
وحروف بياض وحروف
رماد وحروف م الاسود داكنة
وحروف غزل عفيف صريح
وحروف كمان متمكنة
حتى الحروف من كتر خوف
على كل لون متلونة

تعود عروس

كل شئ بقی بالفلوس
تشتري حتى الفانوس
تدعك العفريت مايطلع
حتى لو رجليه تبوس
واما بتساوم وتدفع
تبقى متعلم دروس
هى دى بقت الحقيقة
كل واحد له طقوس
يطلع العفريت يلعلع
يفرد الوش العبوس
تشتري حتى الطاقية
تختفى بين ناس وسوس
نفسى بس ايماننا يرجع
نفسى وننصف نفوس
لاجل مانحقق لذاتنا

والبهية تعود عروس
ليه ماتتغير حياتنا
تبقى مصر التاج لروس

ليه تآيس

وانت روحك
ناوية تطلع
اوعى تنسى
لحطة تقطع
خدها فيها
هناك وبرطع
عد لفلوسك
يابيه خدت
ايه قوللى
قوم شاور عليه
وانت ف الغسل
اوعى تنسى
للمراكب سوى مرسى
مية مهما غاسلة جتة
ريحة نتنة ازاي وليه

مافى مسك
ومافى عنبر ليه
تفكر انت ليه
عديت بتيه
وانت عالخشبة نصلى
ياما كنت انصح تمللى
صلى لاجل
يوم وفاتك
فين صيامك
او زكاتك فين
ثباتك خد
فلوسك واشتريه
وانت متشيع مشيع
كل شئ منك مضيع
ادعى ليك والا عليك
مافى حسنة القاها ليك
لاجل رحمة عند ربى
نفسى بس يرق قلبى

مستخبى موش لاقية
وانت نازل للتراب
كل مايايدك سراب
موش هتجنى الا الخراب
ما انت طول عمرك غراب
حتى قلبك ليه تعاديه
واحنا بنقفل عليك
مافى عندك ليك شريك
حتى عملك قال فكيك
يعنى تتحاسب لوحدك
مش هتهرب لا ده بعدك
كل شر القاك ماليه
لو تشوف
تعبانك اقرع
والا قبر عليك مولع
نفسك لو ساعتها ترجع
ايه ده يومها يبقى ينفع
نار جهنم بيك تلعلع

لو بركان دوب انت فيه
واما هتخلص عذابك
لحمك اتحول ترابك
ربنا بدل لجلدك
والزقوم هتكون منابك
واما هيقرّب حبابك
الشهادة ترد بابك
ترجع البسمة لكتابك
ربنا بالرحمة سابك
ليه تآيس تشتكيه

هنروح لفين

وحضنتها
كان خوفي منى يوم تروح
والقلب مليون بالتروح
ماسك ف ايام كات
هناك كانت حزينه
ماسك ف ورد وذكريات
ماسك ف زينه
كل الشموع
جوة انطفت
والعتمه ماليه للمكان
كل الامانى وانكفت
والقلب راح منه الامان
ياكل دمعات الفراق
طالعين لفوق
ياكل شمعات

اللقا لازم نفوق
ياكل لحظات
اشتياق جت م النفوق
جى الشروق
جى مستكين
مربوط بطوق
ساكت حزين
ياكل اشواق السنين
مستنيين هنروح لفين

لو قلبك ساب عشك

لو قلبك ساب عشك
وهناك راح عشش
وياه على شجره
او عاك تحسبه انه ملاك
او انه هيرجلك بكره
قلبك بقى نجم الشباك
عمال بي فكر ف اذك
ماهيرج يوم يترجاك
وما عمره ينفذك فكرة
قلبك كان طائر جواك
كان مبهم فيك او كان نكرة
دلوقتي اتعدى وعداك
وبيحلم وخداه السكره
وبيرقص من بين اشواك
وما فكر يرجع لهنالك

بيراھن انه هينساك
وهيمضى اتوجراف للذكرى
قلبك
لو قلبك ساب عشك وهناك
راح عشش وياه على شجرة
او عاك تحسبه انه ملاك
او انه هيرجلك بكره

محتوى الكتاب

2	بطاقة الكتاب
3	شوشو
4	حرص
5	بريح المسك
8	كنوز كنوز
11	شراع مركبى
12	صنع ربك
13	بلاش المر
14	واقفين رجال
16	تحياتى تحياتى
18	زى النهاردة
20	صبحت عشاش
24	مخلص مجاهد
34	لحق عود
36	خط الخطوط
38	إرخى الشراع
40	بعرض وطول

42	خليك حويط
44	عاشق
46	راخى الحبل
48	لفاضى يكب
50	بحر الآهات
51	غير
52	إبعدى
54	وليه نبعد
56	أنا وانت
58	موش هالسامح
59	تسونامى
61	دنيا
63	المساكن
68	عقلى اتلخبط
71	كل مره
73	الحاسة السادسة
78	لو تقدرى
80	سواد الليل

83 فاتح دولابى
85 تعود عروس
87 ليه تآيس
91 هنروح لفين
93 لو قلبك ساب عشك
95 محتوى الكتاب